



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o izmjeni Odluke pristupanju realizaciji Projekta rekonstrukcije vrtića Kolibri
(Prijedlog)

Predlagač: Gradonačelnica
Obrađivač: Služba za urbano planiranje, investicije,
stambene i komunalne poslove

Sarajevo, oktobar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

(Prijedlog)

**Odluku
o izmjeni Odluke o pristupanju Projektu rekonstrukcije vrtića Kolibri**

**Član 1.
(Izmjena člana 4.)**

U Odluci o pristupanju Projektu rekonstrukcije vrtića Kolibri („Službene novine Kantona Sarajevo“, broj 26/23), član 4. mijenja se i glasi:

„Član 4.

Grad će sufinansirati Projekat u iznosu od 1.750.000,00 KM, obezbjeđenih rebalansom Budžeta Grada Sarajeva za 2023. godinu na poziciji 615100 – Projekat obnove predškolskih i školskih objekata i infrastrukture.“

**Član 2.
(Stupanje na snagu i početak primjene)**

Ova odluka stupa na snagu naredni dan od dana objave u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, __. __. 2023. godine

OBRAZLOŽENJE

I PRAVNI OSNOV

Pravni osnov za donošenje Odluke o izmjeni Odluke o pristupanju Projektu rekonstrukcije vrtića Kolibri sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisana nadležnost Gradskog vijeća Grada Sarajeva da donosi odluke, druge propise i opće akte i daje njihovo tumačenje.

II RAZLOZI DONOŠENJA

Ovom izmjenom Odluke utvrđuje se način sufinansiranja Projekta na koje se obavezuje Grad Sarajevo kako bi se stekli finansijski uslovi za realizaciju projekta.

Odlukom o pristupanju Projektu rekonstrukcije vrtića Kolibri („Službene novine Kantona Sarajevo“, broj 26/23), Grad Sarajevo je pristupio Projektu rekonstrukcije vrtića Kolibri, koji se nalazi u poslovnom objektu na parceli označenoj kao k.č. 4223/8, K.O. Novo Sarajevo I, u ulici Kolodvorska 11, Općina Novo Sarajevo, Sarajevo. Prostor vrtića je vlasništvo JU „Djeca Sarajeva“ te je Grad Sarajevo odabrao da bude sufinansijer i nosilac realizacije Projekta.

U svrhu realizacije predmetnog projekta, Grad Sarajevo je potpisao Sporazum o regulisanju međusobnih prava i obaveza na realizaciji Projekta rekonstrukcije vrtića Kolibri, a strane potpisnice sporazuma su: Ministarstvo za odgoj i obrazovanje Kantona Sarajevo, Općina Novo Sarajevo, Zavod za izgradnju Kantona Sarajevo i JU „Djeca Sarajeva“ Sarajevo.

Sporazumom su regulisana međusobna prava i obaveza radi realizacije Projekta rekonstrukcije vrtića Kolibri u ulici Kolodvorska 11, Općina Novo Sarajevo, i stavljanja u funkciju istog. Definisano je da je Grad sufinansijer i nosilac realizacije Projekta, Općina finansira izradu investiciono-tehničke dokumentacije te je sufinansijer realizacije projekta, Ustanova je vlasnik i posjednik predmetne nekretnine, te nadležna i stručna ustanova za predškolski odgoj, Ministarstvo je sufinansijer i nadležno ministarstvo za predškolski odgoj i obrazovanje, Zavod je nadležan za stručni nadzor nad Projektom, a obzirom da se Projekat vrši za potrebe organa uprave Kantona Sarajevo, Grada i Općine.

U toku aktivnosti na realizaciji projekta, Grad Sarajevo je dva puta raspisivao tender za izvođenje radova po cijenama i iznosu koji su navedeni u glavnom projektu, međutim oba puta nije bilo zainteresovanih izvođača i nitko se nije javio na raspisanu javnu nabavku.

Daljnijim istraživanjem tržišta i prikupljenim ponudama za izvođenje radova po ovom projektu, ustanovilo se da je tržišna vrijednost radova značajno veća od projektantske, odnosno da su potrebna dodatna finansijska sredstva.

S tim u vezi, upućen je prijedlog u planiranom rebalansu Budžeta Grada Sarajeva da se uveća do sada raspoloživi iznos od 1.250.000,00 KM za 500.000,00 KM, koji je obezbjeđen na poziciji 615100 – Projekat obnove predškolskih i školskih objekata i infrastrukture, a kako bi naša institucija dala dodatni doprinos u cilju realizacije ovog projekta.

Odluka stupa na snagu naredni dan od dana objave u „Službenim novinama Kantona Sarajevo“.

III FINANSIJSKA SREDSTVA

Za realizaciju ove Odluke potrebno je predvidjeti sredstva u Budžetu Grada Sarajeva.